

LG- Cultural Festival (Byte)

उपराज्यपाल मनोज सिन्हा होंरें कल जम्मू च जम्मू-कश्मीर सांस्कृतिक उत्सव दा उदघाटन कीता। इस मौके बोलदे होई एल.जी होंरें जम्मू-कश्मीर दियें अध्यात्मिक ते सांस्कृतिक परम्पराएं दा जिक्र कीता जेहड़ियां लोकें दे सनैहरी भविक्ख गी आकार देने ते उन्दी कामयाबी गी दिशा देने दा कम्म करी सकदियां न। उ'नें आक्खेआ जम्मू दी धरती दियां परम्परां बड़ियां समृद्ध ते सगगोसार न जित्थै स्हाड़े डोगरी गीतें च जीवन दे मुल्यें-कर्दे ते विरसे दी झलक साफ दिक्खने गी लब्धि ऐ। भारत दी सभ्यता परम्परा दे महत्वै पर जोर दिंदे होई उपराज्यापाल होंरें आखेआ जे संस्कृति ते अध्यात्मिकता समूलची दुनिया गी रमानदारी ते शांति बक्खी लेई जाने लेई मार्ग-दर्शन देई सकदी ऐ। एल.जी होंरें नौजवानें गी जोर देइयै आखेआ कि ओ अपनिएं जड़ें कन्नै जुड़न ते सांस्कृतिक विरसे सवां प्रेरत काहड़ें गी बढ़ावा देन। उ'नें आखेआ.....(बाईट)



JKLA Session

जम्मू-कश्मीर विधानसभा दे जारी बजट इजलास दरान अज्ज सार्वजनिक महत्वै आले केई सारे मामले पुट्टे जाने दा कार्यक्रम ऐ। जस्टिस हसनैन मसूदी मतैहत कन्नू बारे सलाना रिपोर्ट पेश करगंन ते कन्नै गै जल-जीवन मिशन बारे खडेरी गेदी हाऊस कमेटी दे कार्यकाल गी होर त्रै म्हीने बधाने सरबंधी प्रस्तास बी पेश करगंन। एदे इलावा केई सारे प्राइवेट मिम्बर बिल बी सोच-बचार लेई सूचिबद्ध न- जिंदे च शराब दी बिक्री ते खपत पर रोक लाने- सरकारी डाक्टरें

दी निजी प्रैक्टिस पर रोक लाने- बेरोजगार नौजवानें लेई समाजी सुरक्षा ते प्रदेश च कश्मीरी हिंदु मंदरें ते धार्मिक थाहरें दी राक्खी ते प्रबंधन सरबंधी बिल बी शामिल न।

<><><><><><>

CM -Security Withdrawal (Byte)

मुखमंत्री उमर अब्दुल्ला होरें श्रीनगर स्थित नैशनल कांफ्रेंस दे मुख्यालय चा सुरक्षा वापस लेई लैने पर गैहरी चैंता प्रगट कीती ऐ ते आखेआ कि हालिया समें च सामने आई दियें सुरक्षा चुनौतियें दे बावजूद- सुरक्षा हटाने दा एह फैसला रहान ते मयूस करने आहला ऐ। कल विधानसभा दे बाहर पत्रकारें कन्नै गल्ल करदे होई मुखमंत्री होरें आखेआ कि अजे किश हफ्ते पैहले नैशनल कांफ्रेंस दे अध्यक्ष ते साबका मुखमंत्री फारुक अब्दुल्ला हुं'दे पर जानलेवा हमले गी ध्यानै च रखदे होई नेया फैसला लैने कोला पैहले इक बारी होर सोचना लोड़चदा हा.....(बाईट)

<><><><><><>

Add CM Security

तोंआई स्पीकर अब्दुल रहीम राथर होरें आखेआ ऐ जे विधायकें ते पार्टी दफ्तरें थमां सुरक्षा वापस लैना बड़ी मती चैंता दा विशे ऐ ते इसी हलके च नैई लैता जाना लोड़चदा ऐ। उ'नें इब्बी आखेआ जे साबका मुखमंत्री डाक्टर फारुक अब्दुल्ला हुं'दे पर होई दी जानलेवा हमले दी कोशश दे बाद सुरक्षा दा वापस लैता जाना बड़ा गै मंदे भागें आला ऐ।

<><><><><><>

Itoo-Metro Projects (Byte)

भारत सरकार जम्मू ते श्रीनगर शैहरें च मेट्रोलाइट ते लाइट मेट्रो परियोजनाएं दे प्रस्ताव पर विचार करै करदी ऐ- जिन्दा मकसद राजधानी आहले इनें दौनें शैहरें दे ट्रांसपोर्ट ढांचे गी बेहतर बनाना ऐ। एह जानकारी मंत्री स्कीना इतू होरें कल विधानसभा च विधायक मोहन लाल हुंदे आसेआ पुच्छे गेदे इक सोआलै दे परते च मुख् मंत्री हुंदी तरफा सांझी कीती। स्कीना इतू होरें दस्सेया जे जम्मू ते श्रीनगर दौनें शैहरे च तफसीली सर्वेक्षण ट्रेफिक बवस्था बारे अध्ययन-विस्तार दिये संभावनाएं दे हर पैहलु परा मुआयना ते तफसीली गेजेक्ट रपोर्ट मेसर्स राइट्स लिमिटेड आसेआ त्यार करी लैता गेदा ऐ। उनें दस्सेआ जे प्रस्तावित प्रोजैक्ट च जम्मू दा बनतलाब कोला लेइयै बड़ी ब्राहमणा तगर दा 23 किलोमीटर दा इलाका औग- जेहदे च कुल 22 स्टेशन होगन.....(बाईट)

<><><><><><>

ते हुंन बाकि दिएं खबरें कन्नै विजय बजाज:-

<><><><><><>

Census -2027

मरदमशुमारी 2027 दे पैहले गेड़ दी शुरुआत अज्जै थमां होआ करदी ऐ। दुनिया दी सब्बने शा बड्डी मरदमशुमारी आहली इस प्रक्रिया गी दंऊ गेड़ें च तोढ़ चाढ़ेया जाहग- जिंदे च इक घरें दी सूचि त्यार करना ते दूआ लोकें दी गिनतरी। एहदे लेई रेफरेंस डेट पैहली मार्च 2027 रखी गेई ऐ। रेफरेंस डेट ओ तरीक हौंदी ऐ जिसी आधार मन्नियै सारा ब्योरा दर्ज कीता जन्दा ऐ। जम्मू-

कश्मीर च इस प्रक्रिया दा पैहला गेड़ इस बरे पैहली जून गी शुरु होग। रजिस्ट्रार जरनल ते जनगणना कमीशनर मृत्युंजय कुमार नारायण हुंदे आसेया नमीं दिल्ली च सांझी कीती गेदी जानकारी मुजब केन्द्र शासत प्रदेश च घरें दी गिनत्री ते ब्योरा दर्ज करने दा कम्म पैहली जून कोला 30 जून तगर कीता जाहग- जिसलै के 17 मई कोला लेइयै 31 मई धोड़ी स्वगणना आहली प्रक्रिया चलदी रौहग। जम्मू-कश्मीर दे बर्फबारी आहले इलाकें गितै रेफरेंस डेट इक अक्टूबर 2026 रखी गई ऐ।

<><><><><><>

JK-UNDP MoU

जम्मू-कश्मीर सरकारें प्रदेश च आपदाएं कन्नै निब्बड़ने सरबंधी त्यारियें गी मज़बूत बनाने लेई संयुक्त राष्ट्र दे विकास प्रोग्राम UNDP दे कन्नै सांझ-भ्याली कीती ऐ। UNDP दे डिप्टी रेज़ीडेंट प्रतिनिधि इसाबेल तचान ते आपदा प्रबंधन विभाग दे प्रधान सचिव चंद्राकर भारती होरें कल जम्मू च मुख सचिव अटल डुल्लु हुंदी मजूदगी च इक समझौता-ज्ञापन पर दस्तख्त कीते। इस सैहयोग दे कन्नै जोखिमें दा आंकलन करने- सबनें स्तरें पर आपदाएं दे प्रबंधन आली योजनाएं गी तगड़ा बनाने- स्कूली सुरक्षा आली पैहलकदमियां करने ते नेह होरनें कम्में च जम्मू-कश्मीर आपदा प्रबंधन प्राधिकरण गी बड़ी मती मदाद हासल होग।

<><><><><><>

Ganderbal Terrorists

कल संजा आतंकवादिये दी मजूदगी बारे इक टकोहदी सूह थोने पर सुरक्षाबले गांदरबल दे अराहाना इलाके च इक सांझा तुपाई अभियान चलाया। फौज दी चिनार कोर आसेआ सोशल मीडिया पर जारी जानकारी मुजब फौज ते जम्मू-कश्मीर पुलस नै संदिग्ध नक्लो-हरकत दिक्खने पर इलाके गी खंगालने गिते पूरे इलाके गी घेरया। ललकारे जाने पर संदिग्ध सुरक्षाबले पर गोली चलाई- जेहदे पर जवाबी कारवाई कीती गई। इलाके च सर्तकता बधाई दिती गेदी ऐ ते आतंकवादिये गी फगड़ने ते आम लोकें दी सुरक्षा यकीनी बनाने लेई लोड़चदे एहतियाती उपास बी बरते जा'रदे न। खीरी जानकारी मुजब कारवाई जारी ही तांजे आतंकवादिये गी तौले फगड़ेया जां मारी मकाया जाई सकै।

<><><><><><>

Jammu Division Railways

उत्तर रेलवे दी जम्मू डिवीजन नै 2025-26 आहले माली बरे दे खीरी म्हीने यानि मार्च महीने 62 लकख रुपें दा राजस्व कमाया ऐ। एह राजस्व विजन टिकट सफर करने ते होर दुइए अनियमितताएं खलाफ कारवाई करदे होई जुर्माने दे तौरा पर हासल कीता गेदा ऐ। सीनियर डिवीजनल कमर्शियल मैनेजर उचित सिंघल हुंदी अगुआई च चलाए गेदे “खलाफवर्जी गी दना बरदाश्त नैई करने” आहले अभियान तैहत कसूरवारें गी एह जुर्माना कीता गया ऐ। अभियान तैहत जम्मू-कटड़ा ते श्रीनगर रेलवे स्टेशनें पर बकायदगी कन्ने चैकिंग कीती जा'रदी ऐ। रेलवे प्रशासन नै यात्रिये अग्गे अपील कीती ऐ जे ओ टिकट लेइये गे सफर करन कीजे अनुशासन-नियमें ते पारदर्शता कन्ने कोई समझोता नैई कीता जाहगा।

<><><><><><>

Udhmapur Dev. Works (Byte)

उधमपुर दे डिप्टी कमीशनर मिंगा शेरपा होरें कल सब डिवीजन चनेनी दे दूर-दरेडे इलाकें जियां सुद्धमहादवे- मानतलाई- लाट्टी त डुडु दा व्यापक दौरा लाइयै विकास कम्में ते महत्वपूर्ण योजनाएं दी अमल-आवरी दा जायजा लैता। इस दरान उ'नें सरकारी दफतरें- स्कूलें- सेहत केन्द्रें ते अंतराश्ट्री योग केन्द्र दा निरीक्षण कीता ते सरबंधत अधिकारियें कन्नै गल्लबात बी कीती। पेश ए इस बारे साढ़े उधमपुर संवाददाता दी एह रिपोर्ट.....

<><><><><><>